

Bavara lingvo

La **bavara lingvo** aŭ **bavara dialektaro**, foje ankaŭ nomata **aŭstro-bavara** (bavare *Boarisch*, germane *Bairisch*), estas grupo de dialektoj en la sudoriento de la teritorio de Germanlingvio, pli ekzakte en suda Germanio (Bavario), Aŭstrio (ĉie krom en la plej okcidenta aŭstra federacia lando Vorarlberg, pli detale vidu la artikolon aŭstra-germana lingvo) kaj norda Italio (regiono Sudtirolo kaj plure plumil bavarlingvaj posteuloj de la antikva popolo cimbroj inter alie en la regiono Veneto). Kune kun la alemana lingvo, la orientfranka kaj ercmontara dialektaroj ĝi konsistigas la grupon de supragermanaj dialektoj.

Proksimume 12 milionoj da homoj parolas la lingvon aŭ dialektaron, kiu do estas en eŭropa komparo relative granda lingva fenomeno. Ĉirkaŭ duono el ili loĝas ekster la germana federacia lando Bavario, kie krom la bavara ankoraŭ parolatas frankonaj (aparta dialektaro de la supragermanaj dialektoj) kaj ŝvabaj (parto de la alemana lingvo) dialektoj, kiuj do lingvistike ne konsideratas membroj de la bavara dialektaro.

Enhavo
Historio
Uzo
<div><div>Lernejoj</div><div>Interreto</div></div>
Vidu ankaŭ
Eksteraj ligiloj

Historio

Bavaroj kiel grupo formiĝis en la frua mezepoka periodo, kiel la loĝantaro de Duklando Bavario, formante la sudorientan parton de Reĝlando Germanio. La malnovaltgermanaj dokumentoj de la areo de Bavario estas identigitaj kiel malnova bavara (germane *altbayerisch*), eĉ se ĉi tiu frua dato ekzistas, ne ekzistas karakterizaĵoj

Bavara lingvo aŭ dialektaro	
(Boarische Språch)	
Parolata en	suda Germanio (Bavario), Aŭstrio, norda Italio (Sudtirolo)
Parolantoj	14 000 000
Skribo	latina
Lingvistika klasifiko	
hindeŭropa	
 ĝermana	
 okcidentĝermana	
 germana lingvo	
 supragermana dialektaro	
Oficiala statuso	
Oficiala lingvo en	
Reguligita de	
Lingva statuso	2 vundebla
Lingvaj kodoj	
Lingvaj kodoj	
 ISO 639-2	gem (kromaj ĝermanaj lingvoj)
 ISO 639-3	bar
 SIL	bar
 Glottolog	bava1246
Angla nomo	Bavarian
Franca nomo	bavarois



la bavara lingvoteritorio (mapo verkita en la bavara)

kiuj disigus ĝin de la alemana. La dialekta apartigo de supragermanaj dialektoj: orientaj supragermanaj dialektoj (la bavara) kaj okcidentaj supragermanaj dialektoj (la alemana) iĝas pli perceptebla en la mezaltgermana periodo, de proksimume la 12-a jarcento.

Uzo

Kontraste al multaj aliaj variaĵoj de la germana, la bavara devias sufiĉe de la normgermana por malfaciligi al bavar-parolantoj la prononcon de la normgermana. Ĉiuj kleraj bavaroj kaj aŭstroj, aliflanke, povas legi, skribi kaj kompreni la normgermanan (germane *Hochdeutsch*), sed povas havi tre malmultajn okazojn paroli ĝin, precipe en kamparaj lokoj. En tiuj regionoj, la normgermana estas limigita al la uzo kiel la lingvo de skribo kaj la amaskomunikilaro, kaj tial ĝi ofte nomatas *Schriftdeutsch* ("skriba germana"), prefere ol la kutima esprimo *Hochdeutsch* ("altgermana" aŭ "norma germana").

Lernejoj

Bavario kaj Aŭstrio oficiale uzas la normgermanan por edukado. Sekve de pli vasta universala klerigo, la kontaktoj de bavar-parolantoj al la normgermana pliiĝis, kaj multaj pli junaj homoj, precipe en la grandurboj de la regiono kaj pli grandaj urboj, parolas la normgermanan kun nur iometa akĉento. Tiu akĉento kutime nur ekzistas en familioj kie la bavara estas parolata regule. Familioj kiuj ne uzas la bavaran hejme kutime uzas la norman germanan anstataŭe. En Aŭstrio, kelkaj partoj de gramatiko kaj literumo estas instruataj en la lecionoj de la normgermana. Ĉar legado kaj skribo en la bavara estas ĝenerale ne instruataj en lernejoj, preskaŭ ĉiuj kleraj parolantoj de la lingvo preferas uzi la normgermanan por skribado. Regionaj verkistoj kaj literaturo povas ankaŭ ludi rolon en edukado, kutime la normgermana estas la *lingua franca*.

Interreto

Ekzistas Bavara Vikipedio, kiu estas verkita uzante nur la bavaran.

Vidu ankaŭ

- bavaria librolingvo

Eksteraj ligiloj

- retejo „Bayrisch lernen“ – por lerni la bavaran elirante de la germana lingvo (<http://www.bayrisch-h-lernen.de/>)
 - "Remaraweng Boarisch" ("ni iom parolu la bavaran") – fonologio kaj tipografie simpligita sistemo pri ortografio de la bavara lingvo, fare de prof-o dr-o Ludwig Zehetner (<http://www.bayerische-sprache.de/Index/Remaraweng%20Boarisch%20-%20Lehren/Lautlehre-1%20Uebersicht.htm>)
 - nedevisa bavarlingva sistemo pri ortografio de la bavara lingvo (https://bar.wikipedia.org/wiki/Wikipedia:Boarische_Umschrift)
 - ampleksa vortaro germana-bavara (<http://www.bayrisches-woerterbuch.de/>)
-

Elŝutita el "https://eo.wikipedia.org/w/index.php?title=Bavara_lingvo&oldid=6793919"

Ĉi tiu paĝo estis lastafoje redaktita je 09:42, 24 nov. 2019.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.